



UNIVERSITÄTS-
BIBLIOTHEK
PADERBORN

Ocvlus, Hoc Est: Fvndamentvm Opticvm

Scheiner, Christoph

Freiburg i. B., 1621

Cap. I. Radiorum visoriorum in oculo refractio necessaria, & quare.

[urn:nbn:de:hbz:466:1-71258](#)

radium formaliter visorium eruemus. Proderit autem ad huius libri lectionem fructuosorem, Refractiones meas cælestes vidisse, quas Ingolstadij in lucem emisi; ex ijs enim Refractionis cumulatiorem cognitionem hauries, & viam planam munies, ad hac subtilius penetranda. Solis etiam Elliptici Phænomenon Augustæ editum, non parum subsidij administrabit.

LIBRI SECUNDI.

PARS PRIMA.

 Vandoquidem radij in diaphanas oculi partes tam rectâ quam oblique illabuntur, & autem & situ; & figura, necnon densitate differunt; consequens est ut radiorum refractio in ijs fiat: qualis autem ea sit in singulis vel tunicis vel humoribus, studiosè exquiritur; indeq; Radius verè visorius vel reyeitur, vel tandem, (quod in Retina euenit) solidè approbatur.

EX EO QVOD IN CONVEXA TVNICA
Corneæ superficie videndi actus non elicetur,
linearum visvalium in oculo refractio
necessario astruitur,

CAPUT I.

ANgulum visoriam sciri, ignoratis radijs visorijs est impossibile; quia ipsi angulum visorium constituunt. Radios visorios sciri ignorato organo formalis seu immediato visus, est impossibile; quia visorij anguli ex ipso immediate procedunt; unde operæ pretium est desplicere quænam oculi pars officio videnti fun-

di fungatur, ut sic de angulo visorio aliquid rectius statuatur.

Cæterum quia perspicuarum oculi partium diuersa est densitas, ut lib. i. traditum, & plerarumque superficies heterocentriæ inter se existunt; idcirco radios à rebus visibilibus trans Corneam allapsos variè refringi est necesse; quo sit ut aut visio in Corneæ conuexâ superficie hat, si quidem ea sub radijs directis & nullo modo refractis contingat, aut radij sub quibus visio elicetur, necessariò sint refracti.

Assertio. Visio in conuexâ tunicae Corneæ extremitate non fit. Est communis omnium & probatur.

I. Quia cum quodvis punctum visibile ex innata sua virtute integrum sphæram radiosam emittat, sit ut idem ante oculum positum, totam tunicae Corneæ superficiem conuexam radijs suis impletat: quorum ij, qui rectius in eandem accidunt, fortius utiq; feriunt, quam obliqui, quare si in eadem superficie videndi actum concedamus fieri, fatendum etiam erit, inter omnes radios à punto illo allapsos, eum qui ad angulos rectos affluat, esse fortissimum, dominiumque in alios tenere, ita ut sua præsentia aliorum vim elidat quodammodo & suffocet. Cumque Cornea tunica satis multum in anteriora promineat, hinc sit ut ea puncta visibilia, quæ ex opposito pupillæ ab obiectis arradiant, facile orthogonos in eandem incurvant. Quo accedit, ut eiusmodi radij ad Corneam recti, axi opticæ circumsciti, tertiam anguli recti aut dimidiæ plus minus portionem æquent, & sic conus iste opticus, sub quo res spectabilis æquali distinctione & claritate apprehenditur, sit rectus angulus, habens verticem & angulum rectum ad centrum Corneæ, latera angulum comprehendentia in superficie conica, basin in rei visæ extremitate. Quod autem quæ distincta visio in totam huius baseos latitudinem unico obtutu, immoto oculo elicatur, hinc certum euadit, quia omnia & singula istius baseos puncta promittunt in Corneam radios perpendiculares: qui proinde eandem efficaciam habent, quam ipsius axis opticus, igitur singuli sua puncta efficacissime repræsentant: quare si superficies conuexa tunicae Corneæ videt, necesse est, eam rei visæ portionem, quæ

H


angulum

angulum quasi rectum in centro Corneæ subtendat, simul distin-
ctissimè conspici: cui non tantum omnium doctrina, sed & mani-
festissima experientia repugnat.

2. Quia res per foramen angustum visa, recedente solo fora-
mine ab oculo, re autem visibili & oculo immotis persistentibus,
non arctaretur oculi iudicio sed augeretur; cui tamen experien-
tia lib. i. p. 2, c. 2. proprietate 6. allata contradicit.

Augmentum autem futurū sic demonstro. Sit res
visa A B, foramen F, oculo C D E vicinius, remo-
tius G: quia ergo radij AH, BI, per foramen vicinius
F prolapsi sese intersecant, erūt anguli AFB, & IFH
ad verticem oppositi æquales, per 15. lib. i. Euclid.
eodem modo radij AD, & BC, ad foramen G re-
motius secti, angulos AGB, & CGD, mutuo æ-
quant; Est autem angulus AGB maior, angulo A
FB, per 21. lib. i. Euclid. igitur & CGD maior est
angulo IFH. Igitur si anguli IFH, & CGD, à radijs
in Corneam incidentibus facti, sunt visorij, res eadē
immota A B per G foramen remotius, angulo CG
D maior comprehensa, apparebit maior, quam visa per foramen
vicinius F sub angulo minore IFH, quia tanta appetit res, quan-
tus est angulus visorius, factus à radijs visorij. Quibus cum expe-
rientialia contraeat; visio in conuexatunica Corneæ superficie non
fit.

3. Quia, si in extima tunica Corneæ superficie visio fit, expli-
cari nulla ratione potest, experientia 6. c. 8. quomodo res una per
tria foramina conspecta, modo situ cuerso, modo recto triplex, co-
pareat; modo simplex cernatur. Cum enim radij à re vna per
tria foramina in Corneam allapsi sint recti, inque diuersas partes
eiusdem cadant, ipsique formaliter visorij, ex aduersarij senten-
tia existant; necessarium est aut rem semper triplicem, aut sem-
per vnam videri; necessarium etiam est aut semper situ cuerso,
aut semper recto spectari: quia discrepantia ratio reddi nulla po-
test. nam organum visorium quod Corneæ superficies esse po-
nitur, inuariatum manet, obiectum idem statuitur, solo accessu
varia-



variari; tria foramina situm & stationem retinent. Vnde necessarium iterum esset, si intra situs recti limites, à lamina immota, punctum visibile recederet, spatum intra simulachra minui, cum tamen iuxta Notam i. cap. 9. augeatur.

4. Quia experientia, 4. 8. & 9. parte 2. c. 4. II. & 12. item 13. & 14. allatæ, & que repugnant huic sententiae. Quas vna cum pluribus alijs, data opera nunc mitto, ne prolixior instituto meo euadam. Nam sexcentæ sunt viæ quibus falsitas huius opinatio-
nis ostendatur; sed quia propugnatoribus ipsa, ut opinor, caret
idcirco diutius non immoror hic, plura allaturus c. 9. quod con-
sulas licet. Oculus ergo cum officium videndi extremitati tuni-
cæ Cornea non committat, consequens est, visione radiis refrac-
tis contingere, ex eo quod radij laterales Corneam ingressi, ad
centrum eius non conueniant, quo sit ut eam ad angulos obliquos
secent, vnde in eadem tanquam alterius densitatis medio, neces-
sariò refringuntur. Quâ de causâ etiam si in Solis Elliptici Phæ-
nomeno Augustæ, nec non Refractionibus cælestibus Ingolsta-
dti editis, de refractione plurima ex instituto differui, quo lecto-
rem studiosum alegatum velim; hic tamen obiter etiam est tan-
genda.

DE REFRACTIONE IN GENERE.

DESCRIBITVR RADIVS DIRECTVS, Reflexus & Refractus.

CAPUT II.

Radius rectus ab uno pucto rei visibilis progressus, ob corpus
ra per quæ velad quæ incidit triplex est: Directus, quando
vnuus absq; angulo in uno perspicuo fettur; Reflexus, quando
à diaphano corpore in opacum impactus in idem diaphanum re-
vertitur; Refractus, quando ab uno perspicuo in aliud diversæ
naturæ prouechitur, & in hoc easu, post punctum incidentem, linea
recta radiosæ progressa, angulum facit cum priore ad punctum in-
cidentem, quod appellatur punctum refractionis, quia in eo pri-

H 3 mus